

MBELA TI GBIA TI KODRO NA KOTA PATARA TI BANGUI

A ita ti mbi molengue ti be africa, mbi bara ala koue

Kozo ni koue, mbi ounda na azo koue ti mou kete penze ngboga oko ndali ti

Yingo ti a ita ti e so ye ti ngangou a si na ala na ya ti akpale so a si na kodoro ti e.

Mbi mou na e singuila.

Mbi ye ti gonda, na iri ti a molengue ti be Africa koué, Ita ti mbi denis sassou nguessou, gbia ti kodoro ti congo wa gboungo koko ti kododro ti e,

Mbi ye ti gonda nga a guene so koue a ga na iri ti kodro ti ala oko oko na ya ti pikango patara so,

Mbi kiri singuila mingui na ala koue so, na ndjoni be, ala yeda ti ga ti douti na ya ti kota pikango patara so.

Ayeke gonda ti ndjoni mounso mamboko so ala mou si pikango kota patara so a tingbi e koue la so.

Ata so koussala ti ala a yeke mingui, ala yeda ti ga ti mou maboko na legue ti kiringo na siriri na centrafrica,

Mbi ounda na a molengue ti be africa koue ti mou na ala kota singuila.

A ita ti mbi molengue ti be Africa, A molengue ti kodro,

Na peko ti kota patara ti brazzaville so la ni e koue e sou maboko na gbe ti kota mbeti ti kai bira na kodoro ti e, e koue e yeda la ni ti tene e leke kota pikango patara na bangui.

Ata so ayeni ake ngagou kete si a oussou oussou a kanga legue, a molengue ti be africa koue a yeda tongana zo oko ti goue na pikango kota patara ti bangui.

La ni, ala fa ndjoni be ti ala na ndembe ti consultation a la base so la ni a zi legue na a kota zo ti kodoro ti goue ti ma tene ti be ti ala.

Na mango a molengue ti kodoro, a zo koue atene la ni, ayeke gui kota patara ti bangui oko si alingbi ti kiri na siriri biani biani na kodoro ti e.

Tene ti kota pikango patara ti Bangui, a yeke lani tongana, bango li.

Lasso bango li ti e a ga ta tene awe.

Kota pikango patara ti bangui so ayeke ye so e koue e kou ti gbou li na legue so e lingbi ti sigui na kodoro ti e na ya ti kota kpale so lo yeke da, nga ti kai bira biani biani na kodoro ti e.

Na ndembe so la ni mbi mou mbta ti gbia, gboungo li ti mbi, ayeke ti boumbi a molengue ti be africa koue oko, tongana a ita gui na lengue ti pikango patara, nga ti kiri na mbirimбири fango ngbanga na ndo azo so assara sioni sengue sengue na a mba ti ala na ya ti a kpale so ati na kodoro ti e.

Ayeke ndalini si mbi leke pikango patara na ya ti a koundou nde nde ti e, ti kiri na lengo songo, kozo ni koue si ndjoni fango ngbanga aga.

Mbi sara ye so, ti mou lengue na azo koue si be ti ala ade na peko ti a ngangou ye mingui so e hon na yani.

Fade so, ti goue nani, molengue ti be africa ayeke kiri ti bando na peko pepe. E koue e yeke bando gui na daoua ti lekere kodoro ti e.

Be ti mbi ayeke na nguia mingui ndali ti so mbi ba a ita ti mbi so a londo na ya ti a kete kodoro baleoko na omene (16 prefectures) ti be Africa, nga na a ita so ayeke na a ndo so azo a kpe bira da, na ala ti kodoro so ayeke na tere ti e koue aga ti mou maboko na legue ti kiringo na siriri na be africa.

A molengue ti kodro,

A ita ti mbi,

Kota pikango patara ti bangui so e to ndani laso alingbi ti douti ndo ti gangou na ndo ti oussou oussou pepe.

Kota pikango patara ti bangui a ke ndo ti gboungoli, na ti guingo legue ti kiringo na siriri na kodoro ti e.

Ayeke tongana gbe ti kota keke so a mou legue na e, ti douti na gbe ni ti pika patara.

Mbi inga so, a ita mingui so a ba passi na yati bira so a yeda na tene so mbi yeke tene so.

A ita ti mbi,

Kota patara ti bangui so ayeke mbeni denngo gapa ti a molengue ti be africa, ti fa na le ti azo ti dounia mobimba que fadeso, ala yeda ti kiri na siriri biako biako na kodoro ti ala, ala yeda ti zia oussou oussou, ala yeda ti zia bira nga na boubango mossoro ti kodoro ti ala.

Ala ye fadesso gui pikango patara nga na lekere ngo kodoro ti ala.

A ita ti mbi,

Mbi inga a kpale mingui so a si na e, a zi le tie, si e yeda ti kanga legue na a fini kpale so a kiri ti ga na kodoro ti e.

A masseka so ayeke ga na peko ti e, ayeke ounda ande e na ndo ti assarango ye nde nde so si e bouba na kodoro so, na ye so e zia na ala.

A ita ti mbi,

Ayeke la so si e lingbi ti tonda ni ti lekere fini centrafrica.

Alingbi e koue e zia goy goy, e zia fandara.

Ta tene, ayeke gui na ya ti lango miambe ti patara so si e lingbi ti lekere a ye koue so e bouba ni pepe. E yeke leke gui guere ti koussala ni ti mou legue na ala so ayeke ga na peko ti e ti ounzi koussala ni.

Ni la mbi ba mbi tene kota patara ti bangui so :

- a lingbi ti ga gui na tene ti porosso na yani pepe,
- a yeke ndo ti pikango kate ti a mbeni boumbi ti azo pepe.
- Nga kota patara ti bangui so ayeke ndo ti zingo ngbanga ti ndia na liti a wa sarango sioni pepe. Azo so koue assara sioni na a molengue ti be africa na mbana ti be ti ala ayeke goue ande na dawa ti ngbanga.
- Ala yeke ngba ande sengue sengue pepe. Ayeke ndjioni e guirissa pepe à ita so koue a ba passi na ya ti a kpale so koue a ti na kodoro ti e

A ita ti mbi,

Tene ti lekerengo, sorongo a kota azo na ngou so a yeke dou ande da.

So, ayeke kota guere ti koussala so a gbou be ti mbi, gbia ti kodoro ti kete ngoue. Tongana ye koue a tamboula ndjoni na nze ti aout so ayeke ga, fade e yeke ouara fini gbia ti kodoro so e mveni e yeke soro lo.

So ayeke kota koussala so a gbou be ti ngourougbia ti kete ngoue.

Mbi kiri mbi tene polele na a molengue ti centrafrica koue so mbi deba yanga ti mbi lani na daoua ti ala, mbi tene, mbi yeke goue ande na deno gaba ti gango gbia ti kodoro pepe.

Me, mbi na ngorou gbia ti kete ngoy, eyeke sara ande koue si sorongo fini gbia ti kodro so a tamboula polele na le ti azo koue.

Ti tene a koussala ni a goue yo yo, mbi zia na sesse koundou so ayeke ba lengue ti sorongo a kota azo na kodoro ti e, ti sara koua mamboko na mamboko na ndokoua ti sorongo zo (a.n.e).

Kozo ni koue kossala ti lekengo kota mama ndjia ti sorongo zo ayeke dou ande na tere ti fini kota mama ndjia ti kodro so a molengue ti kodro ake yeda ande nani na legue ti referendum.

Ni la mbi ounda na ndokoua ti ANE ti zi le na ndo ni.

Mbi ounda na azo koue ti mou mamboko na lekerengo nzoni sorongo a fini kota zo ti kodoro so.

Mbi ounda nga na a oua deno gaba ti mandako ti ga ngo kota zo ti kodoro ti fa mbrimbri kamba ti koussala ti ala na a molengue ti kodoro.

Kota pikango patara ti bangui so, alingbi ti sigui na a fini kode ti a ngbina tourougou kpale, nga na fini kode ti rokotongo ngombe ti bira so a sisingo na mamboko ti azo kirikiri na ya ti kodoro, ti mou legue na ndjoni fini koussala ti a tourougou ti e, ti tene si siriri a kiri biani biani na be africa.

A ita ti mbi,

Na tapande ti a mbeni kodoro so a ye ti ngagou a si na ala mingui, e gbou mamboko na mamboko, si e sara koue si kodoro ti e a may.

Centrafrica kodoro ti e ayeke na a mossoro mingui. Tongana e londo, e gbou koussala ngagou na ta be ti e oko, kodoro ti e a lingbi ti goue na dawa tongana ti a mba ti e.

Kota pikango patara so a lingbi ti sara si molengue ti be africa oko oko a zi le ti lo, a bando na mayengo ti guigui ti lo ti kekereke.

Ndanila, a kota gboungoli ti pikango patara so a yeke na ndo ti a yesso a iri ni :

- gango na siriri na doutingo nzoni ;

- gouvernance;
- justice, ye ngo tere na popo ti e;
- mayengo kodoro, conomie na ndjoni douti

A guene ti e,

Kozo ni si mbi konda ti tene ti mbi, mbi ye ti kiri na singuila na a communaute ti dounia mobimba so a mou maboko na e ndaliti pikango kota patara so.

E bi kongo na ndo ti ala koue,

A molengue ti beafrica, a ita ti mbi,

Ti ounzi na tene ti mbi, na peko ti kota patara ti bangui so, zia si e koue e ounda na nzapa :

- ti tumba yongoro na be africa a zabolo ti bira, ti kengo tere, nga na ti tumba ngo a ita ti e;
- e ounda na nzapa ti zi nzara ti bira na be ti azo koue, ti zia gui yengo tere na popo ti e;
- e ounda na nzapa ti sara si e zia legue ti kangbingo ya ti kodoro ;
- e ounda na nzapa ti sara si e ye a mara koue, a boumbi ti nzapa koue nga na a ye ti ndara koue ;
- e ounda na nzapa ti sara si e koue e ye gui kodoro ti e oko, yanga oko, na bendere oko.

E bi kongo na ndo ti kodoro ti e be africa,

mbi mou na ala singula.